

人物傳

明 玉田縣

蘇恭讓

劉本

李茂

劉文寵

董銳

劉旦

張儒

張經

龔寶

蘇琳

王璋興

桑福

李充實

孫光祖

王大智

張解蘭

王維德

張首標

劉啟康

桑元美

梁維純

江一鵬

江一鵬

孫志仁

馬學曾

桑開基

桑鳳苞

桑鳳翥

郁尚仁

杜文達

王宏道

明 豐潤縣

馬俊

白整

石大用

吳瑞

王寧

董讓

詹從方

馬敬

劉大本

陳金

魏塘 郭經 許驤 楊秉信 谷遜

谷嶠 魏文傑 石廷珪 石邦政 鄭英

裴子成 高雅精 李應辰 張九萬 劉振世

李時春 史萬言 史宸 殷和 鄭國俊

李昌濩 韓信 徐于躍 陳爾直 王則聘

曹士直 王承惠 郭敷 高輔 谷九德

谷九鼎 張維則 李蕃先 谷承祚 劉義

劉大仁 谷亮 張諒先 徐得道 曹士真

辛大漢 王有德 楊中孚 曾雲程 李大化

呂文登

玉田縣

蘇恭讓字未聞洪武十三年舉聰明正直知湖廣漢陽府治簡而明嚴而不苛每遇重役輒詣上官陳說多得減省郡守以治行稱者時有王宗顯呂文燧諸人恭讓與之齊名趙庭蘭者徐州人知漢陽縣有政聲故漢陽民言知縣則稱庭蘭言知府則稱恭讓

參明史賢輔人物考

畿

劉本洪武二十七年進士由行人累遷陝西左布政所在俱有惠政以剛直獲罪降交趾參政莅事十餘年與削平黎季犛之亂陞山東按察使卒祀鄉賢有雲泉集行世子忠正統七年進士官陝西參政

李茂事母至孝每日登堂必拜母遇宴會尤恭謹母卒廬墓三年有白兔繞其墓鄉人異之成化間旌表授國子生官主

簿

劉文寵宏治三年進士知江南如皋縣縣例養馬百匹永樂間六安州以災暫寄馬千三百餘沿習不改大爲民病值朝使清釐馬政文寵力言其擾得如原額江南通志官至河南按察僉政

董銳字蓮之興左衛人宏治六年進士督運宣大使出納嚴明由部郎出爲河南參政受銀牌綵幣之賜官至甘肅行太僕卿卒祀鄉賢子潤瀾俱入國學潤以詩著名

劉旦字啟東興左衛人以山東濰縣丞陞知莘縣多異政縣設像祀之

張儒字采臣號九峰幼失怙恃爲吏所簽誦馬經問誦之何爲人曰欲汝爲馬醫耳因悲憤苦讀家貧不能得書徧借藝

文旋鈔旋記寒暑不輟通春秋家言舉正德五年鄉試判河南衛輝府平巨盜陳卿剗小灘兌弊明張廣非盜發耿廷章之奸論叔兄之倫使王儒李大義各知愧悔居家孝友謙篤誨迪不倦鄉里重之著有九峰集

張經字天敘興左衛人正德六年進士任戶部主事督理通州糧餉多所興革厯員外郎中抽分九江清介不染出守山東東昌府卒祀鄉賢

龔寶字賢甫縣學諸生任山西陽曲主簿政尙平易一塵不染致仕歸囊橐蕭然講授不輟士半出其門著有四書參議春雲文橐祀鄉賢

蘇琳國子生性純謹重義輕財田產千金悉讓之兄無難色鄉人咸歎美之

王璋興左衛人孤介尙節義勤學勵德妻郭氏未娶喪明岳家請別娶璋曰婦失明夫可別娶夫失明婦亦可改適乎卒娶之後官教授有宦妾廢居欲委身於璋璋執不可曰吾有多子幸成立違理事豈可爲哉有村老遺錢米門側爲收之次日返其人見竊瓜果者揚聲緩行以存其恥卒祀鄉賢子价孫世家世康世濟皆以宦績著价字國璠博學強記善詩詞事母以孝聞官山西芮城縣丞清操卓著芮民多積逋不忍急於催徵竟告歸世康舉嘉靖十三年鄉試經史百家靡不淹貫於天官家言尤精不樂仕進以孝廉終

桑福字謙之嘉靖十九年歲貢韜晦不仕興鄉人處恂恂敦篤伯父春失明田園美者悉以奉之子如芝亦以歲貢卓有孝行尤邃於易試禮部不欲仕散裝貲於族眾天姿篤厚人

未見其疾言遽色有司表其賢桑氏家法遂以忠實義友稱

甲一邑

如芝一作恩貢

李充實字中虛嘉靖四十四年進士任戶部革小灘兌弊十入事鑾諸石尋任遼東清餉羨爲當道重出守蘇州賑饑活數萬人遷河東運使以鯁直忤時去卒祀鄉賢

孫光祖字孝先萬厯八年進士知河南屯留縣平徭賦賑濟荒自奉清苦若寒士豪猾憚之陞戶部主事卒於官祀鄉賢胡秉直字獻白家貧篤學舉萬厯八年鄉試知河南河陽縣有豪猾交通大僚搢紳恣意飢法前令莫之敢撻秉直下車訪得其兇淫狀以鈎距置諸獄聞者相率投訴積狀數百庭訊伏罪立杖斃之有盜渠善泅眾剽劫捕急輒伏水中能歷數晝夜不出秉直於迎春日結綵張筵務爲美觀誘使必

來密布邏卒伺之遂就擒餘黨悉置於法民以胡青天呼之
直指薦爲治績第一遷知均州尋謝病歸秉直夙治禮記言
動每遵古法主持名教無少假借同社名宿如江一鵬王維
德亦憚而敬之子二允孚剛毅有父風以國子生肄業成均
作字字惺一穎敏嗜詩幼時出句多奇創隨任河陽於書無
所不讀秉直以致知力行爲訓嚴冬盛暑侍立不倦歸試京
兆卒於家

王大智號濬字世籍遷安後移玉田因家焉舉萬曆八年進
士陝西西安府推官富平孫丕揚壻怙勢翫法大智曰太宰
壻翫法法復安用乃下獄抵罪而謝不佞於丕揚丕揚特重
之及丕揚再起掌銓政適吏部主事缺丕揚以大智薦厯考
功司代主選事復掌計典無敢以一弊及門時崔呈秀方貴

幸與大智比舍居絕不通問呈秀以王濬字何獨相棄語人
大智聞之遂移疾去崔魏敗起大僕寺卿未幾復乞歸天啟
辛酉以還畿東卿貳或尋於逆璫或罹於城陷大智以介特
之節超然事變之外人謂清德所致云崇貞九年卒於家予
祭葬如制

畿輔已鄉賢
人物考

張解蘭偕妻楊氏孝養繼母爲鄉里所稱解蘭每赴戚友禮
筵必詣先人木主前揖而後行返亦如之萬厯間玉境連年
水澇人多流散解蘭言於當事倡率各村開濬河道且捐米
煮粥食之嗣水就軌民獲有秋全活甚眾

畿輔
唐志

王維德字鉉若號葵甫有文學名工詩賦玉田志所創修也
泰昌元年選貢祁州教諭所識拔皆知名士遷知江南巢縣
明季經費煩多吏白徵比輒曰催科易耳急將重利稱貸是

賦外有賦也忍秦越視民哉民感其德輸納反先他邑於簽
差尤慎恐役得票虐民且妨農也嘗置鍼硃筆中點處以鍼
痕辨真贗文牘用印必記其聲一日聲有異詰之則吏以父
老竊印劄爲冠帶壽官者惟德曰此孝事也罪在不先白耳
責其人而仍給焉署內暮賓刑錢筆札事必躬親以勞瘁卒
於官子三所鏡所錫所鑄并縣學生

張首標字翹甫父執所有鄉望首標幼時議論不與眾侔締
交盡一時之彥崇貞七年進士知山西交城縣拔李之奇等
五人出所訂制藝百篇授使熟讀指示法脈並相繼成進士
調繁汾陽時豪藩肆虐民苦荼毒首標不避權勢挺身相抗
直聲動朝廷汾交士民稱誦不衰兩縣並祀名宦祠
劉啟廉以孝稱母歿廬墓終喪有司旌之

桑元美字坤齋性孝友親喪哀毀骨立兄疾同寢一榻衣不解帶久無倦容年三十餘無子妻張勸妾不從潛爲聘于氏女不純道還不娶聘財親識不能婚葬者每傾囊助之妻連舉三子崇貞八年歲貢或勸之仕元美曰身不耐寒暑性復畏奔競瀟灑暮年訓子弄孫不以彼易此也平居孜孜講學邑知名士多出其門年七十八卒著有四書便蒙要旨易經便蒙要旨人物志補坤齋集等編

梁惟純字敬吾孝母勤讀外祖張惠嘗宰壽張坐失誤封王斃於獄殯某寺階下母引爲恨臨終屬諸子曰若等奮志讀書有服官山東能以骸骨歸葬吾願畢矣惟純果以明經除滕縣丞詣寺訪得之遂具棺衾歸葬

江一鵬字鉉儀號念洲生而穎異過日成誦與邑名宿丁光

射胡秉直王惟德張安勉爲忘年交父西洲寢疾衣不解帶者年餘終父喪課徒奉母負笈知名者五十餘人孀姊無依奉養四十年如一日育姪息如己出歲饑施貲瘞道殣食餼三十年及貢而卒人

國朝其子姓遂多科第云

江一鵬字仰洲一鵬堂弟穎敏早入縣學天啟季年每語人曰朝政如此國事可知遂絕意仕進以實踐獎率後學居家敦孝友與兄一鵬避崇貞己巳之難兄體肥一鵬扶掖始行爲亂軍所擄欲兵之跪而進曰此我兄也留以養母從則我從殺亦我殺引頸以待擄者高其義兩釋之

孫志仁少從父商存心仁厚以布幣贖擄接二百人歲歉輸穀二百石賑饑有軍卒負志仁銀上官廉得實勒償所負志

仁憐其貧竟請釋之

馬學會字約齋力學善書嘗讓產於伯兄學使匾旌之元配孫氏早喪義不再娶蔬素三十餘年

桑開基字二南縣學廩生孝繼母友于諸弟精易數課學城隅別墅從遊甚眾就試邸廨有妓遭撻夜半踰牆求寄棲泣訴歸必不得活開基呼僕然燭危坐讀書至曙崇貞時亂民肆焚劫獨相戒勿犯道學桑先生家開基見時事不可爲憤懣不勝聞流寇陷都城遂死之祀鄉賢子三並補縣學

桑鳳苞字聞然號丹成縣學生性至孝博極羣書值世變滄桑絕意進取築別墅於暖泉西偏位置花木每攜二三親知極觴詠嘯歌之樂子開遠養志園林出必從從必侍立終日高品大年遠近以爲矜式

桑鳳翥字瑞廷縣學廩生孝友博學尤精於易督學見其文
奇之曰公輔器也拔冠其曹科舉十二試不售退而教授生
徒遊其門者擢科名致通顯者皆殊勳名宿卒祀鄉賢門人
私諡肅範先生著有四書精義大易直解古今人物考子開
運

國朝順治十二年進士以禮部郎中山東提學道遇

覃恩贈如其官

郁尙仁字靜山縣學生敦篤至孝母周氏歿廬側三年不御
酒肉置義田贍族知縣葉重第爲撰義田記并匾旌之子光
謨字新宇亦縣學生孝謹有父風視族人可學者百方誘掖
之母喪廬墓讀書年餘哀毀卒於廬次巡按匾旌之祀鄉賢
孫曾多擢科名

余謂邑長吏法得廣勵學宮獎進類時故深嘉之具上其事
監司嘉歎行縣旌額余扁其室曰貞惠流芳以紀周氏之節
又曰孝義砥行以紀處士之孝因為勒石以昭不朽嗟乎聞
處士之風孝弟之心可油然而生矣

杜文達好義樂施萬厯三十二年捐麥百石賑饑知縣張至
發申撫道扁其明

王宏道縣學生敦篤好學先是邑無學田萬厯四十二年宏
道輪田一頃為學校育士之資王大智撰學田記

詳建置志
學校